

**Uunga siunnersuut: Meeqqanut tapiissutit pillugit Inatsisartut inatsisaata allanngortinnera pillugu Inatsisartut inatsisaat nr. xx, xx. xxx 2018-imeersoq (Naatsorsuinnermut periaaseq nutaaq, aningaasarsiat akileraarutaasussat maannakkorpiaq aningaasarsianit taarserneqarput aamma procenti aaqqiissutissaq atorlugu meeqqanut tapiissutit aaqqiivigineqartarneri)**  
(Isumaginninnermut Inatsisinillu Atuutsitsinnermut Naalakkersuisoq)

### **Saqqummiussissut**

(Isumaginninnermut Inatsisinillu Atuutsitsinnermut Naalakkersuisoq)

### **Siullemeerneqarnera**

2017-imi meeqqanut tapiissutinik iluarsartuusseqqinnerup inatsimmut ilanngunneqarnissaa inatsisissatut siunnersuutip saqqummiunneqartup siunertaraa. Siornatigut meeqqanut tapiissutit aningaasanut inatsimmi oqaasertaliussani taamaallaat allanneqartarsimapput. Meeqqanut tapiissutit isumaginninnermi ikiorsiissutini tunniunneqartartuni kisiartaallutik suli ukiumoortumik aningaasanut inatsisini oqaasertaliussatigut aalajangersarneqartarput.

Meeqqat pilersorneqarnissaanut meeqqanut tapiissutit angajoqqaanut tunniunneqartarput. Angajoqqaat aningaasarsiaat tunngavigalugit meeqqanut tapiissutit tunniunneqartarput, taamaallutik angajoqqaat pisariaqartitsinerpaat annertunerpaamik tapiiffigineqartarlutik. Siornatigut meeqqanut tapiissutit angajoqqaat aningaasarsiaat naapertorlugit akigitat assigiingitsut pingasut atorlugit annikilliffigineqartarsimapput. Akigitat pingasunngorlugit aaqqissorneqarnerat isumaqarpoq angajoqqaat aningaasarsiaat annikitsumik qaffappata tapisiarisartagaat akigitamut minnerusumut inissinneqartarsinnaasut. Ilaatigut angajoqqaat akissarsiaqarnerulernerat ataatsimut isigalugu aningaasarsianik annaasaqarnermik kinguneqartarsimavoq. Tapiissutinik naatsorsueriaaseq nutaaq atorlugu tamanna pisinnaajunnaassaaq. Assigiissaarinnermik pilersitsisoqarnissaanut Inatsisartut inatsisaat siunnersuummi matumani allanngortinneqarpoq, taamaaliornikkut meeqqanut tapiissutinut akigitap annerpaaffia inatsisitigut aalajangersarneqarluni.

Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni ukiumoortumik procentimik aaqqiissutissamik saqqummiussisoqartassasoq akuerineqarpoq. Taassuma pisortani sulisut ukiumut aningaasarsiaasa procentikkaarlugit nikerarneri assigai.

Innuttaasunut akiliutigineqartut akitsuutinullu akigitat ukiumoortumik assigiiaartumillu naleqqussarneqartarnissaat siunertaavoq. Tamanna meeqqanut tapiissutini akigitaaasunut siornatigut akulikitsumik aaqqiivigineqartarsimanngitsunut aamma atuutissaaq. Siunissami meeqqanut tapiissutit procenti aaqqiissutissaq naapertorlugu aaqqiivigineqartassapput ukiumoortumillu Isumaginninnermi ikiorsiissutit tunniunneqartartut pillugit kaajallaasitakkut saqqummiunneqartassallutik.

02-09-2018

UKA 2018/17

Inatsisissatut siunnersuummi matumani meeqqanut tapiissutit pillugit inatsisip ikiorsiissutinut  
allanut inatsisit malinnaavigilissavai.  
Taamatut oqaaseqarlutik Naalackersuisut immikkoortoq Inatsisartunut  
oqaluuserisassanngortippaat.